

23/11/2016
15h22m

**INTERVENCAO INICIAL DA BANCADA PARLAMENTAR DA
FRETILIN NA OCASIAO DEBATE GENERALIDADE DO
ORCAMENTO GERAL DO ESTADO 2017**

**COMBATER A INEFICIENCIA E
MELHORAR A QUALIDADE DA DESPESA PUBLICA**

Parlamento Nacional, 23 de Novembro 2016

Hanesan ita hotu hatene, Timor-Leste nia ekonomia sei iha dependência bot ba reseitas petrolíferas, no reseitas domesticas kiik oan liu, nem to'o atu halo pagamento ba salariu no vencimento funcionário publico, nune'e ita nia déficit fiscal sei bot tetebes.

Ita nia ekonomia sei nafatin ekonomia ida essencialmente importasaun nian ne'ebe la sustentável, tanba ita kuaze importa buat hotu atu konsome mai ralaran, produtividade kiik tetebes ka estagnado, la dun exporta sasan ba rai liur, nune'e ita nia balança komersial extremamente negativa.

Konaba kiak, iha fulan ida liuba ita hotu rona no apresia resultado peskiza ne'ebe Ministeriu Finansas halo hamutuk ho Banku Mundial, katak kiak ka pobreza iha Timor-Leste tun dadaun hosi 50,4% iha 2007 ba 41,8% iha 2014. Maibe karik situasaun ida ne'e hatudu ba área urbana ka sidades capital no munisipius duke áreas rurais. Tanba, realidade hatudu katak ema barak sei moris mukt liu iha áreas remotas. Ezemplu be mos sei susar tebes atu asesu, uma no facilidades saúde, edukasaun, no saneamentu basiku sei susar, malnutrisaun kronika no sst. Dadus malnutrisaun iha 2015 sei a'az hela, iha 45%.

Ne'e significa, katak maske kiak tun, maibe qualidade moris ema nian iha áreas remotas hatudu oin seluk, ka laiha melhoria. Ida ne'e hatudu mos desigualdade iha kondisaun moris entre sidades no áreas rurais. Nune'e modelu kresimentu ekonomiku ne'ebe ita iha no sai orgulho ba estadu tomak ladauk kontribui máximo hodi melhora qualidade de vida povo, no hamenus desigualdade entre rejioens no entre famílias.

Se nune'e, buat ruma seidauk los karik?

Laiha duvida, atu combate kiak ita bele komesa hosi eliminasaun desigualdade ou melhor assimetrias entre sidades no áreas rurais, ho politikas regionais konaba desenvolvimento integradu ne'ebe ita hahu dadaun ona hanesan ZEESM, projetu Tasi Mane, no projetus sira seluk ne'ebe iha karakter estruturantes, sistemiku, coerentes, atrativus no competitivos, ke ita hein sei iha barak liu tan iha futuro.

Atu combate kiak, ita mos presiza politika makroekonomika no fiscal ida adekuadu. Ita hatene ona, hosi kedas OGE 2013 nian ita komesa halo racionalizacao, katak husik dadaun politika ne'ebe tau osan

Mait

Investimentu fundu minarai iha mercado finaseiru internacional iha risku maka'as no iha 2015 ita lakon osan lubun ida. Governo presiza hare didiak konaba risku ne'e karik bele bot liu bainhira ita hare ba konjutura politika iha estadus unidus no mundo depois de Donald Trump eleitu nudar Presidente Estadus Unidus Amerika nian.

Kampu Greater Sunrise, sai hanesan projetu ida kontinua laiha serteza, tanba ita nia kapasidade negosiasaun la suficiente no sei iha aspetu legais no política lubuk ida maka tenke considera. Problema Fronteiras Maritimas ne'ebe seidauk hetan solusaun, mos komplika liu tan insertaza ida ne'e.


Sr. Primeiro Ministro,

Excelencias,

Timor-Leste tenke hatene kore'an ou melhor hases an hosi dependência ba fundo minarai. Ita labele kontinua ka halo tuir bebeik politika ne'ebe Dr. Mari Alkatiri temi "petróleo—mania". Ita tenke hetan dalan! Dalan ne'e maka diversifica ita nia economia. Ne'e katak, uza osan ne'ebe mai husi Fundu Minarai hodi investe iha seitores produtivos ka seitores claves ne'ebe bele gera economia, no reseitas ba estadu.

Bancada FRETILIN apresia politika ka estratégia de antecipação de despesas (*frontloading*) ne'ebe Governo opta ona desde tinan hirak liu ba, no introdusaun reformas balu hanesan: reforma judicial e legislativa, reforma iha Administrasaun publika, reforma ekononika no reforma fiscal.

Ho politika antesipasaun de despesas ne'e duni maka, Governu sei halo levantamento excessivu hosi fundu minarai hodi investe iha projetus infraestruturas de alta qualidade, no investe iha desenvolvimento capital humanu ne'ebe maka Governu fiar katak sei lori efeitos duradouro iha economia. Governu mos fiar katak investimento hirak ne'e maka sei estimula cresimentu ekonomiku no gera reseitas fiscais barak liu, ho nune'e iha longu prazu bele hamenus despesa publika, ke no fim permite elimina gradualmente levantamentou essecivu hosi Fundu Minarai.



ne'ebe hatur deit iha tassa de ezekusaun ka kuantidade de despesas, ba perspetiva ida ne'ebe hatur liu iha "qualidade das despesas", liu husi reforsu ba politika sira atu assegura maior eficiencia despeza nian, assegura mos buat ne'ebe ema bolu "value for money" ne'ebe a'as liu iha investimento, liu hosi instrumentu essencial sira hanesan tuir mai:


1. Maior eficacia iha planeamento, no iha programasaun orsamental;
2. Revisaun ba sitema aprovisionamentu nian no regime kontratus publikus;
3. Preparasaun ne'ebe diak liu iha elaborasaun estudu no projetu sira, no preparasaun no akompanhamentu obras sira nian;
4. Institusionaliza no efektivasaun mekanismu ne'ebe forte no preventivu iha kontrolu ba despesas sira nian konaba infraestrutur, ekipamentus no obras publikas;
5. Kumpri rigorosamente limites legais no orsamentaisis ba autorizasaun despesas ho recursu ba ajustu diretu, inklui mos kriaun mekanismu sira konaba kontrolu sobre kontratu sira;

Sr. Primeiro Ministro,

Bainhira koalia konaba oin sa hadia qualidade da despeza publica, hakarak ka lakohi ita tenke koalia mos kestaun divida nao financeira. To'o agora ita la hatene numeru ezatu divida nao financeira ne'ebe ministerius ka entidades estadu sira halo, no oin sa Governu fo solusaun ba problema ne'e.

Hafoin debate Orsamentu Retifikativu 2016, Parlamento Nacional estabelese ona Komissao Eventual ba Fiskalizacao no Akompanhamentu konaba prosesu likidasaun divida estadu nian. Komisaun eventual ne'e halao dadaun ona nia funsaun no sei ramata nia mandatu to'o 31 de dezembro 2016.

Embora la dun hetan apoiu ka koperasaun diak husi parte governu, komisaun eventual konsege deteta ona kauza principal sira ne'ebe hamosu divida, no hare ona katak situasaun divida grave tebes, liu dok saida maka Governu relata iha debate Orsamentu rectificativu 2016. Projetu sira, barak liu, mais de 60% ho ajusto diretu, barak mak laiha estudus, viola lei aprovisionamentu, laiha kontratasun



Reforma iha função publika bele mos halao hamutuk ho reforma sira seluk hanesan tuir mai:

- reforma atu melhora bem estar funsionariu, liu hosi revizaun estrutura salarial no atribuisaun subsidu ou abonu de dzempenhu atu hadia prestasaun de servisu publikus,
- reforma atu melhora efisiensia iha uzu de facilidades e ekipamentus de trabalho;
- reforma atu promove transparensia no akuntabilidade hosi servidores estadu nian hotu-hotu
- no reforma sst.

Sr. Presidente,
Sr. Primeiro Ministro,

Ita hotu rekonhese, katak reforma hanesan nesecidade ida ne'ebe urgente no tenke hetan prioridade hosi Governu no intituisoens estadu tomak, atu combate inefisiensia, desperdisius no korrupsaun iha ivestimentu publiku, maibe la kleur tan, ita tama ona ba eleisoens legislativas iha 2017, no VI governu Constitucional nia mandatu sei ramata iha tempu badak. Pergunta mak ne'e: oin sa reforma sira ne'e nia continuidade?

Reforma sira ne'e importante tetebes atu halao no kontinua ba oin, nune'e reforma lolos sai hanesan kauza nasional ida, ne'ebe bele lori ita hotu ba hetan konsensus no servisu hamutuk. Tanba ne'e, neseariu duni atu partidu politikus sira ho asentu parlamentar, li-liu partidu politikus bobot sira, halo kompromisu ou melhor akordu ruma hodi promete katak partidu ne'ebe deit mak ukun, hotu-hotu sei servisu hamutuk atu garante continuidade reforma ne'ebe VI Governo Constitucional hahu tiha ona.

Ho nune'e maka, karik ita bele tau duni sentidu ba palavra de ordem ou melhor slogan sira ne'ebe partidu politiku sira babain temi bebeik ona:

HAHU DEZENVOLVIMENTU HUSI BAZE!!!
FIAR AN LA'O BA OIN!!! NO
HAMUTUK ITA BELE !!!

Obrigadu ba imi hotu nia atensaun!

Presidente da Bancada

Amieut Guterres,
9